

外科精義

卷之三
下

ヤ 9
1177
2



手冊之角

外科精義卷之三

醫學博士選充御藥院太醫齊德之纂
宣授保全郎陝西醫局提舉馬雲卿校

漏蘆湯

治一切惡瘡毒腫丹瘤癰癤丁腫魚睛五發癰疽
初覺一二日便如傷寒頭痛煩渴拘急惡寒肢體
疼痛四肢沉重恍惚悶亂坐卧不寧皮膚壯熱大
便秘瀉小便赤黃並宜服之姪身莫服

漏蘆

白斂

黃芩 去黑心



91-2398

麻黃 去節

枳實 麩炒 去穰

升麻

芍藥

甘艸 炙

砂硝 已上各等 一兩

大黃 二兩

右除硝外餘咬咀與硝同和勻每服三錢氣實人

五錢水一盞半文武火煎七分去粗空心熱服

化毒丹

治百種惡瘡毒腫初覺一二日咳逆煩悶或咽喉閉塞發熱惡寒

沒藥

乳香 已上各五錢另研

艸烏頭 醋浸 炮製

浮石

已上各一兩燒赤醋淬七次研餘醋另放

巴豆

四十九粒去皮生用另研

右五味為細末用浮石烏頭餘醋打麵糊為丸如豌豆大每服五七丸食後冷酒送下忌熱飲取快利三二行或吐出惡為効

內消丸

治瘡腫初生及癰癰結核熱毒鬱滯服之內消矣大効

青皮

陳皮 已上各二兩

牽牛 八兩取頭末二兩

薄荷葉

極輒揉汁去
粗用熬成膏

皂角

已上各八兩不利者去粗
皮槌碎二味水一斗煮令

右將青皮陳皮末并牽牛末和勻用煎膏子和丸
如棗豆大每服三十九食後荆芥茶清溫水皆可
下。

五利大黃湯

治人年四十已前氣血盛多若患瘡疽大小便秘
者。

大黃

根

黃芩

去腐

升麻

已上各
二兩

芒硝

梔子

已上各八
兩二錢

右咬咀每服五錢水一盞半煎五七沸去粗空心
稍熱服。

內消升麻湯

治證同前。

大黃

升麻

當歸

黃芩

去腐

枳實

炒去
穰

芍藥

已上各二
兩五錢

甘艸

炙一兩
五錢

右咬咀每服五錢水一盞半煎至七分去粗食前

稍熱服。

五香連翹湯

如不用五香。曰七味連翹湯。

治證同前

沉香

藿香葉

木香

丁香

已上各一兩

麝香

一字五味為粗末另研

連翹

射干

獨活

升麻

甘艸

寄生艸

已上各一兩

大黃

一兩五錢

右七味咬咀與前五味和勻。每服五錢水一盞半。

煎至一盞去粗溫服。取利為効。未利則再服食前。

牡礪大黃湯

治證同前

牡礪

木香

大黃

煨已上各等分

右咬咀。每服五錢水一盞半。煎至七分。春夏露湯一宿。於鷄鳴時空心服之。冬月於暖處放一宿。婦人重身者勿服。此藥決利三兩行便勿服。已上五方對證選用。

和血通氣丸

治證同前。

人參 一兩

麥門冬 去心 二兩

大黃

黃芩 去腐

黃蘗 已上各 四兩

牽牛 一斤炒香取 頭末四兩

右六味為細末鍊蜜為丸如豌豆大每服二三十丸食後溫水送下尋常積熱之人隔三二日服此藥微利潤動永不生瘡腫如已早覺者服之亦得內消矣。

地黃煎丸

治臟腑有熱胸膈痰實血氣不和經絡祕滯多生

瘡腫已患惡瘡毒腫大小便結滯

生地黄 新者十兩洗 水浸研如泥

黃連 五兩

黃芩 去腐 三兩

枳殼 炒去 穰

大黃 已上各二 兩五錢

人參 二兩

右除地黃煎外竝為細末再和地黃煎和搗入鍊蜜丸如豌豆大每服五七十丸食後溫水下素有熱之人日服百餘丸不發瘡瘍年高氣弱之人亦宜常服清利胸膈明目。

槐角煎丸

治瘡瘍瘰癧疥癬赤腫等瘡。

天麻

川芎

甘艸炙

黃葉子

甘菊花

人參已上各一兩

何首烏

苦參

荆芥穗

防風

已上各二兩

槐角

并仁另放

皂角

不蚰者已上各四兩水一斗煮軟揉汁去粗取仁熬成膏子其皂角肉研入膏子用

右除皂角膏外槐仁與諸藥為細末入膏內溲和

鍊蜜為丸如豌豆大每服五十丸食後竹葉湯下

皂角煎丸

治風毒瘰癧

皂角

不蚰者三十錠內十錠炮黑十錠酥炙十錠用水一斗煮軟揉汁用度

何首烏

玄參

薄荷葉

已上各四兩

右為細末與前膏子同鍊蜜為丸如豌豆大每服三四十九丸食後溫水送下

苦參散

出野夫多効方

治遍身瘡疥經年不較

苦參

蔓荆子

何首烏

荆芥穗

歲靈仙

已上各等分

右為細末每服二錢食前酒調下日進三服忌發風物

苦參丸

治證同前

山梔子仁

苦參

防風

玄參

獨活

枳實

甘菊花

黃連

黃芩

大黃

已上各等分

右為細末煉蜜為丸如豌豆大每服五十九茶酒

任下食後服

肺風丸

今體治世方

治面鼻風瘡及皴皵

細辛

旋覆花

羌活

已上各等分

晚蠶蛾

去翅足

苦參

已上各二兩

右為細末軟飯和丸如梧桐子大每服五十九茶

酒任下不拘時

連翹散

治瘡瘍癰腫一切惡瘡疼痛煩渴大便溇泄虛熱

不寧。

連翹

山梔子

甘艸

防風

已上各等分

右為粗末。每服二錢。水一盞。煎至七分。去粗溫服。不拘時候。

竹葉黃芪湯

出總錄一百三十一

治諸癰疽發背煩渴及一切惡瘡發大渴者。

淡竹葉

二兩

黃芪

當歸

川芎

甘艸

黃芩

去心

芍藥

人參

麥門冬

去心

半夏

湯洗

石膏

已上各三兩

生地黃

八兩

右為粗末。每服五錢。水一盞半。竹葉五片。生姜五片。煎至一盞。去粗溫服。

枳殼丸

治瘡疽熱癰腫瘰癧。

枳殼

麩炒去穰

牽牛

炒取頭末

木香

青皮

已上各一兩

甘艸

大黃

右為細末。用皂角長一尺許者三錠。約三兩。炮焦。

槌碎以好酒煮軟。按取汁熬膏稠粘。和前藥末爲丸。如梧桐子大。每服三五十九。食後葱茶下。日進

二服。

五香湯

出總錄

治諸瘡毒氣入腹托裏。

丁香

木香

沉香

乳香

麝香

藿香

人參

右爲細末。每服三錢。水一盞。煎至六分。去粗空心

稍熱服。總錄聖惠千金外臺治諸瘡腫方中皆載此方。大同小異。大抵專治毒氣入腹。煩悶氣不通者。其餘熱渴昏昧。口燥咽乾。大便硬。小便澀者。未可與服。

托裏黃芪湯

出總錄

治諸瘡潰後膿多內虛。

茯苓

人參

官桂

遠志

麥門冬

五味子

黃芪

當歸

右為粗末，每服五錢水一盞半，煎至一盞，去粗溫服食前。

托裏茯苓湯

防風

桔梗

芍藥

五味子

川芎

甘艸

麥門冬

去心

桂

去皮

熟地黃

已上各一兩

當歸

黃芪

茯苓

已上各兩五錢

右為末，每服五錢水一盞半，煎至一盞，去粗溫水。

托裏當歸湯

大醫瘡科何君玉方

當歸

黃芪

人參

熟地黃

川芎

芍藥

甘艸

炙

柴胡

已上各等分

右為粗末，每服五錢水一盞，煎至六分，去粗食前

溫服

托裏散

出大醫瘡科成子玉方

川烏頭

炮

茯苓

已上各三兩

乾姜

炮

麻黃

去節

甘艸

炙已上各一兩五錢

杏仁

炒去皮尖

五味子

桂心

已上各一兩

右為粗末每服五六錢水一盞半煎至一盞去粗
食前溫服

托裏玄參散 出總錄

主托裏止渴解熱煩渴

玄參

人參

甘艸 炙

甘菊花

已上各等分

右為細末每服二錢菘豆湯調下亦名內托散

內托散

洪氏方有芍藥總錄無芍藥亦名生肉芍藥散

治癰疽潰後內虛者或氣弱人初覺生瘡瘍亦可

服內消宜詳細用之

當歸

芎藭

黃芪

厚朴

去皮

桔梗

防風

甘艸

炒

官桂

去皮

人參

白芷

芍藥

已上各一兩

右為細末每服三錢溫酒調下或木香湯亦可

內補散

聖惠六十一總錄一百三十八無川芎

黃芪

麥門冬

去心

川芎

當歸

茯苓

去皮

人參

五味子

已上各一兩

遠志

去心

甘草

炙

桂心

已上各五錢

右咬咀每服五錢水一盞半。生姜三片棗三枚煎八分。溫服無時。

內塞散

總惠一百二十三萬全方中。去附子。用天雄。

治疔瘻不差諸瘡。

附子

二個炮

官桂

去皮

赤小豆

甘草

炙

黃芪

當歸

茯苓

防風

白芷

桔梗

川芎

人參

遠志

去心

厚朴

已上各一兩

右為末。每服二錢。溫酒調下。空心日進二服。

香粉散

主托裏止痛。解煩渴。退虛熱。

真棗豆粉

三兩

南乳香

一兩

右為細末。每服三錢。新水調下。

止痛當歸湯

出總錄一百三十

治腦疽發背穿潰疼痛。

當歸

黃芪

人參

官桂

芍藥

甘艸

生地黄

已上各一兩

右為粗末，每服五錢，水一盞半，煎至一盞，去粗溫

服日進三服。

黃芪茯苓湯

出總錄一百二十

治諸瘡潰後托裏除虛熱。

黃芪

白茯苓

官桂

去皮

麥門冬

五味子

川芎

已上各一兩

右為粗末，每服五錢，生姜三片，棗一枚，水一盞半，

煎至一盞，去粗溫服，食前日進三服。

內補防風散

附子

二箇炮裂去皮臍

防風

茯苓

白芷

桔梗

川芎

當歸

人參

甘艸

炙

遠志

官桂

去皮

黃芪

已上各一兩

厚朴

二兩生薑汁製

赤小豆

半斤酒浸一宿

右為細末，每服三錢，溫酒調下。

伏梁丸

出養生必用方

治環臍腫痛腸胃瘡疽

厚朴

生姜汁製

茯苓

枳殼

麩炒去穰

白朮

荆三稜

炮

半夏

湯洗七次

人參

已上各一兩

訶梨

川芎

右為細末。麩糊為丸如小豆大。每服三十九丸。食前

內米飲湯下。

溫經丸

出前方

治陷脉癭。

厚朴

生姜汁製

官桂

去皮

白朮

甘艸

炙

乾姜

炮

木香

已上各一兩

附子

二兩醋浸炮淬七次去皮臍

右為細末。煉蜜和丸如梧桐子大。每服三十九丸。食

後飲湯下。

木香湯腫湯

治諸瘡疽始發腫焮增長熱痛。

木香

犀角

大黃

梔子仁

升麻

黃芩

黃連

射干

黃蘗

白欽

甘艸炙

砂硝

紫檀

羚羊角已上各一兩

右咬咀入生地黃汁五合如無只用生乾地黃五

兩剉碎和勻每用藥五兩水一斗煎至七升入麝

香五錢淨帛蘸藥熱搗腫上日兩三度冷即再換

升麻湯腫湯

升麻

黃芪

防風

川芎

生地黃

細辛已上各等分

右咬咀用藥二兩水二升煎十沸稍熱淋湯內消

如神林谷公謂再煎氣三二部為數大飲

漏腫升麻湯

出總錄淋漏條下

升麻

芒硝

黃芩

漏蘆

梔子仁

葫蘆已上各等分

右咬咀每用藥二兩水三升煎十沸帛蘸藥漏潰

腫處

猪蹄湯

出聖惠方

升麻

甘艸

芍藥

蒴藿 已上各等分

右咬咀每用藥四兩水一斗猪蹄一對煮蹄軟取出次下藥再煎十沸帛蘸淋湯之

甘草大豆湯 出聖惠方

治外陰蝕下疳瘰癧腫痛。

甘艸 三兩 赤皮蔥 三莖 大豆 一合

右用水三升煮豆熟為度用槐條一握同煮取清汁熱淋浴冷即再溫浸三二時為度大効。

湯腫湯

芍藥 丹參 黃芩 去黑心

白欽 已上各等分

右咬咀用藥五錢水一升煎十沸帛蘸頻湯之

洗毒湯

苦參 防風 甘艸 炙

露蜂房 已上各等分

右咬咀水煮濃汁洗瘡腫

浴毒湯 出拾遺衛生方

治小腸風陰瘡痒痛。

木通

藁本

枳殼

管仲

白芷

荆芥

甘松

薄荷

已上各等分

右咬咀用藥二兩水五升入芒硝半兩煎至三升

熱洗浴瘡

何首烏散

出秘寶生方

治遍身瘡腫痒痛

防風

苦參

何首烏

薄荷

已上各等分

右為粗末每用藥半兩水酒各一半共用一斗六升煎十沸熱洗便於避風處睡一覺其痛甚者二日痊愈

八仙散

出衛生方

治遊風腫痒疥癬瘡或因洗頭遊風瘙痒生瘡

細辛

荆芥

白芷

川芎

黃芩

防風

甘艸

地骨皮

已上各等分

右為粗末每用藥二兩水二碗煎十沸去粗熱淋

湯患處。

消毒湯

治百雜瘡腫。悉能內消。

獨活

防風

細辛

藁本

川芎

枸杞子

荊芥

漏蘆

大黃

黃芩

去腐

官桂

苦參

葳靈仙

丹參

黃芪

當歸

芍藥

茯苓

黃連

無心艸

黃蘗

麻黃

葛根

蒴藿

菊花

杜仲

地骨

秦皮

茵艸

甘艸

甘松

藿香

白芷

露蜂房

升麻

零陵香

已上各一兩

蒼朮

三兩

砂硝

五兩

菖蒲

八兩

右為粗末。每用藥半兩。水二升。蔥三莖。槐柳枝各一握。同煎十餘沸。去粗熱。淋洗浴。此藥用之如神。

熨風法

出玉子子中箱集

羌活

防風

白芷

當歸

芍藥

細辛

芫花

吳茱萸

官桂

已上各等分

右為粗末作二臍赤皮蔥連鬚細切半斤同醃醋拌勻炒令極熱帛裹於瘡上熨之稍冷即換藥熨之上下痛止而已。

應痛丸

治走注疼痛疑是附骨疽者。

蒼朮

去皮

當歸

艸烏頭

炮

黑牽牛

已上各一兩

右為細末用醋糊為丸如小豆大每服三十九空心醋湯送下。

黃芪丸

治腎臟風虛攻注手足頭面麻痺痛癢或生疥癬腫炊。

黃芪

烏藥

茴香

炒

地龍

去土

川椒

去目

防風

川練子炒

赤小豆

白蒺藜去刺

海桐皮

葳靈仙

陳皮已上各等分

右為細末。酒糊為丸。如梧桐子大。每服三十九。空

心溫酒送下。

梔子仁湯

出普濟生靈方

治時氣頭面赤腫。

鬱金

枳殼

升麻

梔子仁

牛蒡子

大黃已上各一兩

右為細末。每服三錢。蜜水調下。

葛根牛蒡子湯

治時毒大頭病是也。

葛根

管仲

甘艸

鹽豉

牛蒡子

已上各一兩

右為細末。每服三錢。用水調下。此疾近代患者。傳染多致夭枉。治之者少得方法。只云大熱必然殊。不知亦有虛實表裏。治之者詳其汗下吐不同。大抵與傷寒頗類。其中亦有可針。鑱砭。射出。血者。亦有久而敗爛。出膿者。其間變異百端。不可不慎所。

宜時疾也。

通氣散

治時氣頭面赤腫。或咽喉閉塞不通。用之取嚏。噴七八遍。洩出其毒。則差。若看病之人。用此藥。必不傳染。

玄胡

一兩
五錢

猪牙皂角

川芎 已上各
一兩

藜蘆

五錢

躑躅花

二錢
五分

右為細末。每用紙撚子蘸一米許。緝於鼻中。取嚏為効。

白丁香散

治婦人吹妳。初覺身熱。頭痛寒熱。及胸乳腫硬。是其候也。服之能令下其乳汁。通其血脉。立能自消矣。

白丁香

直者

右為細末。每服二錢。酒調服。腫硬立消。甚者不過三服。

金銀花散

治發背惡瘡。托裏止痛排膿。

金銀花

四兩無花用苗葉嫩莖代之

甘艸

一兩

右為粗末。分為三服。酒水各一盞。同煎。至一盞。去粗。溫服。無時。

皂蛤散

治婦人因露風邪氣外客於乳內。始為吹妳。積久不消。以為妳癰。此藥導其汁。散其風邪。汗出其病自然痊愈矣。

皂角

不蛀者燒存性

真蛤散

已上各等分

右為細末。每服二錢。溫酒調下。不拘時候。

十香膏

治五發惡瘡。結核癩癧。疔瘻。疽痔。

沉香

麝香

已上各一錢

木香

丁香

乳香

甘松

白芷

安息香

藿香

零陵香

各五錢同為細末

當歸

川芎

黃芪

木香

芍藥

細辛

升麻

白欵

獨活

川椒

藁本

菖蒲

厚朴

木鱉子

官桂

商陸根 各二兩 剉碎

桃仁

杏仁

栝子仁

松子仁 各五錢

槐枝

桑枝

柳枝

松枝 各二兩 剉

沒藥

輕粉

雄黃

硃砂

雲母石

生犀角

亂髮灰

白礬灰 各二兩 研細末

真酥

猪脂

羊腎脂 各二兩

黃丹 一斤

清芝麻油 三斤

右先於木炭火鍊油香熟下一十六味剉碎藥并
 四枝四仁熬至紫黑色。出火濾去粗。入脂酥煎十
 餘沸。再以新綿濾過油。澄清式鑊令淨。再入火上
 煎。油沸下丹。用濕柳枝作篔子。不住攪熬一日。滴
 在水中成珠不散。則成也。離火入十味藥末。攪勻
 再上火入雲母等粉八味。輕煎令沸。出火不住攪
 一食時。於磁盒內密封收。每用量瘡口大小。緋帛
 上攤貼之。腸胃癰疽可作丸。如梧桐子大。每服七
 丸。空心溫酒送下。

犀角膏

當歸

川芎

黃芪

白芷

白欵

杏仁

木鱉子

官桂

乳香

沒藥

已上各一兩

亂髮灰

五錢

黃丹

二斤

清油

五斤

右前八味細剉於油內先浸一宿於木炭火上熬至杏仁白芷焦瀘去粗澄清再熬油沸下丹以濕柳木篦子不住攪旋滴藥在水中如珠不散出火

候一時辰下乳香沒藥并髮灰攪勻於磁盒內收依常法攤用之。

乳香膏

治一切惡瘡打撲走注疼痛

乳香

研

珠子瀝青

白蠟

已上各五錢

白膠香

二兩

杏子油

一斤

右將瀝青於木炭火上先溶開下白膠香黃蠟化開入油攪勻以綿瀘去粗於井花水中持拔白色如銀再溶入乳香在內拔白色收磁盒內依常法

攤用之。

白龍膏

治頭面五發惡瘡。及燒湯凍破潰爛。止痛生肌。清血脈。消毒散腫。通氣脈如神。且可無癍痕。

輕粉 五錢 另研

白薇

白芷

白歛

黃芪

商陸根

柳白皮

桑白皮 已上各一兩

乳香 二兩 另研

定粉 另研

黃蠟 已上各八兩

杏子油 一斤芝麻油亦可

右七味。剉油內揉浸三日。於木炭火上煎。令白芷

黃色。濾去粗。於油中下黃蠟乳香後。溶開出火。再濾候微冷。下輕粉定粉。急攪至冷。磁盒內收貯。每用緋絹上攤用之。

消毒膏

當歸

黃芪

川芎

杏仁

白芷

白歛

零陵香

槐白皮

柳枝 嫩

木鱉子 用仁

甘松 已上各五錢 剉

乳香

沒藥 已上各三錢

輕粉 一錢

硃砂

硃紅 已上各五分 麝香 一分 黃丹 炒紫色

黃蠟 已上各八兩 芝麻油 一斤

右將剉藥油浸七日木炭火上煎杏仁焦色濾去粗下黃蠟候溶開出火下丹急攪百十轉下乳香麝香硃砂等六味不住手攪至凝磁盒內收貯白光絹上攤之治證如白龍膏之類貼面目毛髮最宜用之。

磨風膏

治頭面五發瘡腫疥癬等疾及湯火破傷磨風止痛滅癩痕。

痛滅癩痕

白附子 白芍藥 白茯苓

零陵香 白芨 白歛

白芷 白檀 藿香

升麻 細辛 黃芪

甘艸 杏仁 去皮尖已上各五錢 腦子 一分

括萋根 一兩 大括萋 去皮二兩 黃蠟 六兩

芝麻油 一斤

右先藥十四味剉油內浸百日於臘日慢木炭火

上銀石器內煎至白芷微黃色離火入括蕒二味著火煮百沸重綿濾去粗再慢火上煉油香下削淨黃蠟溶開為度傾在磁器內收貯上糝腦子密封旋用磨風塗之

天麻膏

治疥癬赤禿手足癬皮剝起癢瘡疔瘡侵蝕痛膿汁浸淫滋蔓經久不差者

- 艸頭烏
- 天麻
- 鈞苓根
- 藜蘆
- 木鱉子 用仁
- 川芎

狼毒 已上各五錢

輕粉

粉霜 已上各二分另研

臘猪脂 二兩

黃蠟 六兩

油 一斤

右前七味細剉如麻豆大于油內煎至焦紫色令冷濾去粗上火入黃蠟猪脂溶開再用重綿濾過入輕粉粉霜攪凝磁盒內收貯用以塗磨之大効

善應膏 出南京寶梵院明昌六年間進方

- 當歸
- 白芨
- 官桂

- 白欵
- 白芷
- 杏仁

- 木鱉子仁 已上各一兩剉碎
- 乳香

沒藥

已上各五錢研

黃丹

二斤

芝麻油

五斤

右先將油煎剉藥令白芷焦黃濾去粗再煎油沸下丹用濕柳篦子不住手攪滴在水成珠子住火入乳香沒藥攪勻以磁盒內收貯每用依常法攤用之。

靈應膏

出總錄

治五癩惡瘡癰癧結核乳癰。

鹿角

十兩燒存性

白歛

五兩

白麥飯石

五兩燒醋淬七次

右為細末每用醋中熬如膏厚塗于上中心。

一竅以出其毒以故舊輭布攤之貼未成膿者貼即自消已成膿者便潰惡肉疾出新肉早生効不必具陳用之如神。

翠玉膏

治輭癰膿水逗流愈後復發。

明瀝青

四兩

銅碌

二兩

芝麻油

三錢

獐猪膽

三箇

右先於炭火上溶開瀝青入油令沸下膽汁攪勻入水中用手搏搗磁盒內收貯用于緋光絹上量

瘡大小攤貼之，不須再換。一上便痊，可自落為度。
追毒散 太醫成子玉方

治一切惡瘡膿水不快者。

五靈脂

川烏頭

炮

白乾姜

炮已上各一兩

全蝎

五錢

右為細末，用少許糝瘡口中，深者紙撚蘸藥，紙入瘡內，以膏貼之，或水浸蒸餅，令浸透，搗去水和藥，須令勻，撚作錠子，每用紙入瘡口中，亦名毒錠子。
迴瘡錠子

治丁瘡大効

艸烏頭

蟾酥

七梗許

巴豆

七粒去皮

麝香

一字

右為細末，麵糊和就，撚作錠子。如有惡瘡透丁，不痛無血者，用針深刺到痛處，有血，用此錠子紙之。上用膏貼之，丁瘡四畔紙之，其丁三二日自然拔。出此藥最當緊用。

射膿丸

治諸瘡癰膿水已成，即當針開，決出陳臭惡淤，則

其治也。若其惡淤不出，欲鍼石須當開發。用此藥以射出其膿也。

白礬灰 一錢

砒霜 五分

黃丹 一字

右為末，麵糊為丸，撚作錠子。每用粘瘡頭欲出處，以膏貼之，自潰。

替鍼丸

出保生信効方

治證同前。

陳壞米末 一錢

硃砂 五分

雄雀糞

直者二十一枚

右為細末，粳米粥丸如粳米樣，每用一丸粘在瘡

頭上，以膏貼之。

治瘰癧并馬老鼠瘡。

銅綠

斑猫

砒霜

已上各五分

右為細末，醋糊為丸如鼠糞大。每用時，一錠子作三丸，納於瘡口上，以膏貼之。如無瘡口，乾摻之亦妙。

翠霞散

治百雜惡瘡去毒生肌。

滑石 一兩

銅綠 五錢

輕粉 二錢

片腦

麝香

已上各三分

粉霜

一字

右為細末每蘸藥紙於瘡口內以膏貼之或滑石二兩名二聖散量其淺深輕重用之。

搜膿散

治年深不較惡瘡

白芷

一兩

芎藭

二兩

白芍藥

三兩

輕粉

三錢

右為細末每用乾摻瘡口上瘡口深者紙之。

引膿散

治證同前

狼毒

釣苓根

無心艸根

白丁香

已上各五錢

麝香

一字

右為細末如前法用治之。

乳香散

治證同前

白乾姜

苦丁香

艸烏頭

已上各五錢

釣苓根

狼毒

乳香

已上各一兩

右為細末每用乾糝之或唾調作錠子紙入瘡內

即愈。

釣苓散

陳宮寶方

治證同前。

井鹽

一兩

無心艸

乾姜

已上各二兩

釣苓根

三兩

右爲細末，每用乾糝之，或唾調少許，塗在膏上，就貼之。

截疔散

治年深疔瘻瘡大効。

蜜陀僧

白歛

白芨

黃丹

已上各一兩

黃連

五錢

輕粉

一錢

腦子

麝香

已上各五分

右前四味爲細末，後四味另研極細，和勻爲散，每用或糝或紙瘡口中，以膏貼之。

抵聖散

治耳中膿經年不愈，及驢涎馬汗，攻焮瘡瘍骨疽。

疔瘻等瘡。

白礬灰

一兩

烏魚骨

三錢

乳香

一錢

乾胭脂

輕粉 已上各一錢

麝香 五分

右為細末或糝或紙以膏貼之如有耳膿者用一字緝耳中。

青金錠子

治諸惡瘡膿出不快者及多年疔瘻瘡愈而復發

白丁香

銅青

硃砂

粉霜

輕粉 已上各五分

麝香

龍腦

已上各一字

右為細末麵糊為丸撚作錠子每用緝入瘡口

膿水出快

白龍散

主生肌止痛及耳中卒然大痛

寒水石

四兩燒半白研

烏賊魚骨

研

滑石

已上各一兩研

鵬砂

三錢

輕粉

一錢

右為細末每用乾糝耳中痛者油調如糊滴緝於耳中痛立止。

桃紅散

主斂瘡生肌肉定血僻風邪

滑石

四兩

寒水石

燒二兩

小豆粉

一兩

乳香

輕粉

已上各一錢

右為細末。每用乾糝。血不止者。和燈艸貼瘡口上。以帛封之。

檳榔散

治久患惡瘡。肌肉遲生。

木香

黃連

檳榔

已上各等分

右為細末。每用乾糝之。

金黃散

出九齋衛生方

主消腫散毒。生肌止痛。

黃連

大黃

黃芪

黃芩

黃蘗

鬱金

已上各一兩

甘艸

五錢

龍腦

伍分另研

右為細末。入龍腦研勻。若治濕毒丹腫。新水調搽。赤上。或蜜水調如稀糊。用小紙花子貼之。或小油調搽。如久不差。熱毒瘡。赤乾糝。或水調塗亦佳。

生肌散

主斂瘡大効。

寒水石 燒 滑石 已上各二兩 龍骨

烏魚骨 已上各一兩 蜜陀僧 枯白礬

乾胭脂 定粉 已上各伍錢

右為細末用藥乾糝瘡口上

水澄膏

治熱毒腫痛大効

大黃 黃蘗 鬱金

天南星 白芨 砒硝

黃蜀葵花 已上各一兩



右為細末每用新水一盞半藥末二錢攪調勻候
澄底者去浮水以紙花子攤於腫焮處貼之如急
燥津唾潤之此藥治熱毒赤腫神効如皮膚白色
者勿用之

拔毒散

治熱毒丹腫遊走不定

寒水石 生用 石膏 生用已上各四兩 黃蘗

甘艸 已上各一兩

右為細末每用新水調掃之或油調塗之或紙花

子小貼亦妙涼水潤之

金露散

出普降
生靈方

治時氣熱毒

寒水石

生用一兩
五錢

黃蘗

一兩

白芨

白欬

雄黃

已上各二錢五分

右為細末無根水調以紙花子貼或掃亦妙

消毒散

治諸惡瘡生肌止痛消毒散腫

滑石

一斤

黃蘗

二兩

黃丹

一兩

乳香

五錢

輕粉

三錢

右為細末每用乾糝或燒湯及下注膿瘡風濕疥癬等瘡油調塗之

外科精義卷之三

終

外科精義卷之四

醫學博士選充御藥院太醫齊德之纂

宣授保全郎陝西醫局提舉馬雲卿按

大檳榔散

成子玉方

治乾濕疥癬

硫黃

黑狗脊

已上各五錢

輕粉

一錢

紅娘子

大檳榔

已上各一箇

右爲細末每用藥末半錢於手掌中臨卧時油調如糊兩手搓摩極熱鼻內聞之及摩擦疥上隔日

再用甚者不過三上必驗。

天麻散

治白秃甜瘡及風毒疥癬

藜蘆

天麻

狼毒

白芷

茵艸

釣苓根

艸烏頭

管仲

細辛

已上各五錢

雄黃

二錢

輕粉

一錢

右為細末。每用藥半兩。紙一重。綿裹。油三兩。浸三日。外蘸指擦患處。如稍乾。添油一兩。添至三兩。換

藥其効如神。

決効散

治風痒頭瘡

管仲

三兩

白芷

一兩

右為細末。油調塗之。

水銀膏

治癩瘡疥癬無名惡瘡。但是手足瘡疥。浸淫多汁。久而虫生。塗之神効。

藜蘆

剉

黃蠟

已上各一兩

黃連

剉

蛇牀 微炒 白礬枯 水銀 已上各二兩

右用臘猪脂七兩熬開下三件剉藥煮至焦紫色去粗再入黃蠟溶開出火稍凝下水銀礬石攪至不勻每用塗摩

平肌散 除木心隨塗之

治諸瘡久不斂者

蜜陀僧 花藥石 二味同煨赤色 白龍骨 已上各一兩

黃丹 乳香 研 黃連 已上各二錢五分

輕粉 一錢

右為細末入乳香輕粉黃丹同研令勻每用乾糝之

神黃散

治一切熱腫攻焮疼痛

黃蘗末 一斤 黃丹 二兩炒紫色 雄黃 一兩另研

右同研勻每用新水調如糊敷掃以小紙花貼稍乾以蜜水潤之

博金散

治下疳蝕臭爛腫痛

白礬

與蜜陀僧同為末相和於沙鍋內火上炮汁盡

蜜陀僧

已上各五錢

白堊

二錢

黃丹

輕粉

已上各一錢

乳香

五分

麝香

一分

右為細末先須另用槐枝蔥白鹽甘艸熬湯淋濕洗一二時淹乾糝上項藥每用藥先須洗浴然後糝藥甚者三五次差

金傷散

治刀鎌斧傷僻風止痛生肌

白芨

三兩

陳石灰

風化

桑白皮

黃丹

已上各二兩

白附子

天南星

龍骨

已上各一兩

右為細末每用乾貼之

完肌散

治證同前

蜜陀僧

桑白皮

新者

龍骨

已上各四兩

陳石灰

二兩

黃丹

五錢

麝香

一錢另研

右為細末每用乾貼之

定血散

治證同前。

黃丹

一兩

烏魚骨

白礬灰

龍骨

已上各二兩

蜜陀僧

半斤

桑白皮

一斤

右為細末。每用乾糝定血如神。

碧霞錠子

太醫陳宮寶方

治惡瘡透不覺疼痛

銅碌

一兩

硃砂

二錢

蟾酥

一錢

右為細末。軟米飯一處擦勻。搥作錠子。粳米樣。每用針刺之。不覺痛者。但有血出。維一錠子在內。以

膏貼之。或作散。以紙撚蘸紙之。亦可。臨證看如何。

宜合用度。

漏蘆湯

治婦人吹奶初覺。

漏蘆

練實

大黃

黃芩

芍藥

甘艸

已上各五錢

右為麤末。每服三錢。水一盞半。燈艸三十莖。同煎至一盞。去粗。溫服。無時。

玉粉散

出蘇沈蟬方

治陰瘡浸淫不止。

白礬灰

定粉

已上各等分

右研細末先洗浴淨淹乾敷糝之。

香礬散

治小兒斷臍之後不乾及膿出耳中。

枯礬

五錢

龍骨

黃丹

已上各一錢

麝香

少許研

右為細末每用乾糝之。

紫金散

治瘰癧久不差者。

枯礬

五錢

砒霜

一錢

石膽

五分

右為細末入黃丹二錢每用紙入瘡口內以膏貼之。如未破者灸一兩炷用津唾旋調一豆許安瘡上以膏貼之去根自平復。

通耳丹

盧仝寶傳

治耳聾

桑礬硝

安息香

阿魏

已上各一錢五分

硃砂

五分

草麻子仁

大蒜

芭豆仁 已上各七箇

右爲細末入二仁與蒜同研爛爲丸如棗核樣每用一丸綿裹內耳中如覺微痛卽取出親驗方。

菖蒲錠子 一名菖蒲散

治耳中卒痛

菖蒲

附子 炮去皮臍已上各二兩

右爲細末每用油調滴耳內立効。

寸金錠子 太醫成子寶方

治療痔疾

藤黃 出赤木 雌黃

硫黃 豆末蒸丸粉霜

麝香 砒霜 黃丹 已上各一錢

牡礪粉 紅藤根 乾漆 已上各五錢

右爲細末研勻燒陳米飯和搗爲丸如棗核大每用一丸內肛門中深二寸許放定令用新磚毬子二箇炭火燒赤蘸醋中蘸過綿裹一箇於肛門上熨之冷卽換上下次之來日大便下臭敗惡物除根也。

薰痔散

歲靈仙

三兩

右用水一斗半煎至七八沸去火就盆上坐令氣薰之候通手淋濕冷即再暖。

通靈丸

治耳聾

松脂

五錢

巴豆

二十四箇
去皮研

右先將松脂溶開入巴豆末熬成膏丸如白豆大綿裹一丸塞耳中覺痛取出赤水為効。

三神丸

治僧道痔疾因讀養生必効方見乾義傳僧覺海少年患痔疾其行業比冰霜緣此飽食久坐知痔疾者不必酒色過度矣故素問云因而飽食筋脉橫解腸澀為痔治之故不同也。

枳殼

炒去穢

皂角

燒存性

五倍子

已上各等分

右為細末鍊蜜為丸如梧桐子大每服三二十九溫水食前服養生必効方中三味皆單用一味為方今增為一方其効如神。

玉芝飲子

治膈熱口舌生瘡咽喉腫痛

甘艸 炙二兩

藿香葉

石膏

水飛

山梔子仁

已上各一兩

右為細末每服一錢新酒調下

平和飲子

出顯顯經中

治小兒瘡疹

人參

白朮

茯苓

甘艸

升麻

已上各等分

右為細末每服一二錢水煎去粗溫細細飲之量

歲大小虛實以意詳之此藥治諸療疼煩渴不寧

者皆可服之惟小兒瘡疹尤佳

玄參丸

出僧居泰傳

治口瘡連年不愈者

天門冬

去心

麥門冬

去心

玄參

已上各等分

右為細末鍊蜜為丸如彈子大每服一丸噙化

犀角散

治口舌生瘡咽喉腫痛熱毒時氣

升麻

桔梗

甘艸

炙已上各一兩

牛蒡子

炒四兩

右爲細末每服三錢水一盞入竹葉五七斤煎至七分去粗細細熱嗽温卽嚥之其粗熱掃項腫上

防風散

治破傷瘡瘍風邪或身體疼痛風邪攻注攣急及皮膚癢痒麻木不仁頭昏悶牙關緊欲成破傷風

者大小宜實以意稍文此藥水煎或煎成散不空

防風

一兩

藁本

羌活

地骨皮

荆芥穗

已上各五錢

右爲細末每服三錢温酒調下

烏金散

治疔瘻惡瘡

麝香

蟾酥

已上各一字

粉霜

硃砂

輕粉

已上各一錢

銅碌

砒霜

白乾姜

艸烏頭

天南星

船上硫黃

已上各五錢

右爲細末紙撚紙之或湯浸蒸餅和爲錠子紙瘡

口內上以膏貼之。

○劉守真瘡論

素問云痛痒瘡瘍癰腫疽疹癩氣結核拂鬱甚者皆熱五臟不和九竅不通六腑不和留結爲癰。近于火氣微熱則痒熱甚則痛。附近則灼而爲瘡。皆火之用也。人之瘡腫因內熱外虛所生也。爲風濕之所乘則生瘡腫。然肺主氣候于皮毛。脾主肌肉。氣虛則膚腠開。爲風濕所乘。脾氣溫而內熱。卽生瘡也。腫者由寒熱毒氣客于經絡。使血澀而不通。壅結成腫。風邪不

作卽無頭無根。寒血相搏。作者卽有頭有根。壅盛則爲膿赤。根腫則風氣流潰也。瘡以痛痒。痛則爲實。痒則爲虛。非虛爲寒也。正謂熱之微甚也。痒則美疾也。故火旺於夏。而萬物蕃鮮榮美也。灸之以火。潰之以湯。而其痒轉甚者。微熱之所使也。痒去者謂熱。令皮膚縱緩。腠理開通。陽氣得泄。熱散而去。或夏熱皮膚痒。而以冷水沃之。其痒不去。謂寒收斂。腠理閉密。陽氣鬱結不能散。拂熱內作故也。瘡瘍皆爲火熱。而反腐出膿水者。猶穀肉果菜。熱極則腐爛。而潰爲污水。

也。潰而腐爛者。水之化也。癰淺而大。疽深而惡。熱勝血則為癰。膿也。瘍有頭。小瘡也。疹浮而小。癩疹也。瘡氣赤。瘡丹燂。熱勝氣。火之色也。

沒藥膏
治一切癰疽發背。瘡癤傷折。蹶跌壞膿。生肌止痛。又貼灸瘡極妙。

麒麟竭

明乳香

沒藥

已上各一分研

當歸

去蘆

木鱉子仁

研

杏仁

已上各五錢

油頭髮

二兩

黃丹

六兩

右先用油一斤。石器內。或沙鍋內。露天底鍊油。令熟。先下木鱉子。當歸。杏子頭髮。慢火熬黃焦。油耗五分。離火。用綿濾粗。不用。再入鍋下黃丹。以新柳篋子十條。旋換。攪不住手。候黑色。滴在水中。成珠子。硬軟得所。取下火。入三味研藥。再攪勻。磁盒內。盛放地上。以盆合一宿。出火毒。用時。或帛上。或紙上攤。一日一換。

必効散

治久患癰癰不効。服此藥。取効如神。

南鵬砂 二錢五分 輕粉 一錢 麝香 五分

斑猫 四十箇 去頭翅 巴豆 五箇 去皮心膜 白檳榔 一箇

右同研極細。取雞子清二箇去黃。調藥勻。却傾在雞子殼內。濕紙數重糊定。無令透氣。坐飯甑內與飯一處蒸。飯熟取藥曝乾。研極細末。用時相度虛實。虛人每服半錢。實人每服一錢。並用炒生姜酒下。五更初服藥。至平明取下惡物。如覺小腹內疼痛。便用糝麻子燒灰。入沒藥等分同研細。用茶調下一錢。便入大腸。其取下惡物如爛肉老鼠兒及

新成卵內雀兒。是藥効。婦人有胎不可服。

烏金散

治癰瘡腫硬無頭不變色者。

米粉 四兩 蔥白 一兩 細切

右同炒黑色杵為細末。每用看多少醋調攤紙上貼病處。一伏時換一次。消為度。

抵聖丸

治男子婦人頭面手足虛腫。

苦苧蘆 不以多少于火上隔紙炒過

右杵爲細末。棗肉爲丸。如小豆大。每服十九。煎麻子湯下。食前日進三服。五七日小便多。腫消爲効。如喘嗽煎桑白皮湯下。忌生冷醋滑物及鹽。須另丸一等小丸。兒與小兒服。看大小加減與服。煎棗肉湯下。

應効散

治氣癭疔瘡多年不効者。

地骨皮

不以多少冬月自取只要皮陰乾

右杵爲細末。每用紙摺蘸絳瘡口內。頻用自然生

肉。更用米飲調二錢。無時日進三服。又名托裏散。

白金散

治風攻注毒遍身及手足生熱瘡。疼痛有黃水出者。

桂府滑石

右爲細末。先用虎杖甘艸豌豆各等分。約半兩許。二椀水煎上項三味至一椀。去粗微熱。淋洗瘡。水冷拭乾。上糝滑石末。令通便睡。至明決愈。

如聖散

治渾身瘙癢。抓之成瘡。及癢疹之類。

蠶沙 一升

右用水二斗。煎至一斗。濾去粗。夜卧避風處。淋洗水冷。即拭乾便睡。

天蛾散

治刀斧傷。止血定痛生肌。

晚蠶蛾 不拘多少

右為細末。每用藥貼於瘡口。上用綿裹。不須再動。一上便可。

必効散

治蜘蛛咬著疼痛。

鹽豉 炒乾

右為細末。每用油調塗之。必効。

蛤粉散

治湯火燒燙瘡。

蛤礪 燒赤放冷

右研如粉。每用油調塗之。日三次。

治小兒丹瘤

木鱉子 新者 去殼

右研如泥淡醋調傅之。一日三五次便効。

治小兒疳口瘡

天南星 一箇 去皮

右爲末好醋調攤在紙上男左女右貼在脚心底以帛繫定三日外取了以溫水洗盡脚下藥

治破傷風并洗頭風藥

麻黃 一錢 去節

蝎稍 二分 五分

蠻姜

艸烏頭

黑附子 炮去皮

白附子

天麻

烏稍蛇

好酒浸三夜去骨火上炙黃色

川芎 已上各 五錢

右爲細末每服一錢熱酒調下日進三五服重者三五日必効此證不宜早治但邪氣入臟則難治治有四死證不可治一頭面青黑色二額上有汗珠不流三眼小目瞪四身上汗出如油

烏龍丸

治遍身風瘡瘙痒疥癬等疾服之消風散熱利膈化痰唾治肺氣不和此藥推陳致新去腸垢治證

甚多要能用度。

皂角

肥者不以多少炙刮去皮弦槌碎研水。採取濃汁去粗銀石器內熬成膏另放。

黑牽牛

不以多少微炒令香熟碾取頭末。

右將藥末與皂角膏和丸如梧桐子大每服三五
十丸氣虛者一二十丸食後溫水送下無病氣實
人一兩箇月頓一服取利三五行不傷正氣身體
輕健肌膚光澤永無風痰疥癬之疾。

紫參丸

治熱毒癰癤腫毒未成者內消已潰者行膿止痛

散腫毒

麝香

另研

膩粉

已上各三錢

紫參

苦參

炒已上各一兩

丹參

一兩五錢

連翹

二兩

滑石

二兩五錢

右為末別用玄參一斤搗碎以酒三椀浸三日揉
取汁去粗用皂角子三百箇煨熟為末用玄參酒
熬皂角子末成膏和前藥丸如梧桐子大每服一
丸以黃芪湯下一日加一丸至患人歲數即住如
四十則二十每日減一丸其瘡自乾已結者內消

也服此藥大有神効

萬靈丸

治背腦疽并一切惡瘡初覺一二日

硃砂

血碓

蓮蕊

已上各等分

麝香

少許

右為細末酒糊為丸如黃米大每服七丸温酒送下瘡在上食後在下食前不過二服即効

治眼

治昏澀退翳膜

川椒

四兩去子合者不用

熟乾地黃

二兩酒浸九蒸九曝

甘菊花

二兩五錢

右為細末鍊蜜為丸如梧桐子大每服二十九食後細嚼新折米十餘粒送下

治吹妳方

田仲寬方

治吹妳及一切惡瘡初覺一二日立効

生姜

一兩去皮

大黃

甘草

已上各五錢

苡萋

一箇去皮

右共搗作一塊以水半椀同煎至七分濾去粗入

東垣十書 卷四
沒藥乳香末共二錢半通作一服

治痔瘡

雄黃

五分
細研

五靈脂

去石燒
過斷烟

五倍子

炮已上
各一錢

沒藥

二錢五分
明淨者

白礬

半飛
半生

右為細末研令極細用紙花子貼瘡口上

洗痔

防風

當歸

大川芎

已上各
等分

右三味剉細煎水去粗令熱溫淋洗瘡用軟帛印

乾傅前藥

寸金丹

二名返魂丹三名再生丸四名追命丹五名延壽

丸六名來甦丸七名知命丸八名得道丸非人勿

示此方若有人患瘡身未爛者與三丸服之嚥下

便活如口噤但幹開牙關研下三丸灌下喉中立

生此方治發背腦疽癰腫遍身附骨腫痛先覺時

飲水口中煩渴發熱四肢沉重體壯熱

麝香

一分

南乳香

烏金石

輕粉

雄黃

狗寶

沒藥

已上各一錢

蟾酥

二錢

粉霜

黃蠟

已上各三錢

硃砂

五錢

鯉魚膽

乾用

狗膽

已上各一箇乾用

金頭蜈蚣

七條全者酥炙黃色

頭首兒孩兒乳

一合

右件為末。除黃蠟乳汁二味。熬成膏子。同和丸如菘豆大。小兒丸如芥子大。每服一丸。病重者加三丸。白丁香七箇。研爛。新汲水調送下。用衣服蓋之。睡勿令透風。汗出為度。大段疼痛。如無頭瘡腫。不過三服立效。服藥後喫白粥。菘莖。就服大妙。

牙疳藥

此藥是京兆惠民局見行經驗方

治大人小兒

揀信

青黛

輕粉 已上各一錢

麝香

五分

右同為細末。用小油調。薄攤紙上。用水鎚鎚實。收起。每用臨卧。以漿水洗淨印乾。可瘡口大小。以藥紙封之。至曉去藥紙。嗽淨。勿令嚥下。大者不過三上必効。

迴瘡蟾酥錠子

馬雲卿親傳經驗方

治丁瘡毒氣攻心欲死。以針刺其瘡向心行處。但覺痛。有血處。下錠子。若累刺至心側近。皆不痛。無血者。急針百會穴。痛有血者。下錠子。若無血。以親人熱血代之。猶活三四。况瘡初發。無有不効。大抵丁瘡生于四肢及胸背頭項骨節間。唯胸背頭項最急。初生痛痒不常。中陷如丁蓋。撼之有根。壯熱惡心是也。

天南星

欵冬花

巴豆仁

黃丹

白信

已上各一錢

獨活

五分

班貓

去頭足十箇

右為極細末。用新蟾酥和藥如黍米大。然作錠子。每遇丁瘡。先以針刺其瘡。必不知痛。有血出者。下錠子。如覺痛。不須再用。若更不知痛。再隨瘡所行處。迎奪刺之。至有血知痛即止。其元瘡亦覺疼痛。以膏藥傳之。膿出自差。

用錠子法度。以銀作細筒子一箇。約長二寸許。隨針下至瘡痛處。復以細銀絲子。內藥於筒內。推至痛處。

乳香托裏散

同前所傳

治一切瘡腫疼痛不可忍。如少壯氣實者。先疎利後服之大効。

御米殼

去隔帶萼 蜜炒三兩

當歸

芍藥

川芎

已上各五錢

沒藥

乳香

已上各一錢

右爲麤末。每服五錢。水一盞半。煎至七分。去粗溫服。病在上者食後。在下者食前。若未止。卽再服。

四聖旋丁散

各醫秘傳經驗方

治丁瘡生于四肢。其勢微者。先以好醋調藥塗上。以紙封之。次服內托裏之藥。其丁自旋出根。

巴豆仁

五分

白殭蠶

輕粉

硼砂

已上各二錢五分

右爲細末。醋調用之。

天丁散

同前秘傳經驗方

治一切丁瘡。及諸惡瘡。初生以藥塗之。急服托裏內消。

山丹花蕊

香白芷

已上各二錢

牛蒡根

春採 去皮

天丁

乃皂角刺

蒼耳芽

大力子

已上各五錢

雄黃

一兩

右五月五日受氣修合為細末。每用好醋塗紙封之。丁瘡上有黑甲者。必須胡桃油浸次塗之。自可。

萬應膏

同前所傳

治一切瘡瘍初生。腫焮甚者。無問大小。以膏可腫痕貼之。煎蔥白水熱淋兩次。時良久再淋。腫消為度。如瘡老不能差者。亦收斂聚膿。決然早差。

黃蘗

芍藥

白芷

黃芪

木鱉仁

杏仁

當歸

白芨

生地黄

官桂

玄參

去皮剉碎

沒藥

乳香

已上各五錢研

白欬

黃蠟

已上各一兩

黃芩

大黃

已上各二兩

黃丹

一斤

芝麻油

二斤半

右件十四味入油內浸一宿。絕早入沙鍋慢火熬。用生柳條攪至申時。以焦褐色。出火去粗粗。又以重綿濾過。入丹再熬。旋滴水。中成珠子不散者。出

火絕烟入乳香沒藥黃蠟攪勻用瓷器收貯於土
內埋七日取出攤用。

治小兒面湮瘡

俗云鍊銀瘡者是母受胎之日食酸辣及邪味過
度多生此瘡。

百藥箭 五錢

生白礬 二錢

右為細末小油調旋搽之神效。

治赤白口瘡

大人飢渴不時小兒失驚即生口瘡。

生白礬 一錢

右噙嗽之從瀝頑涎立效。

治乾濕疥癬

此是肺受邪毒運於四肢久而不散以生肉蠹。

硫黃 一兩

生白礬 八錢

右為細末油調火炙抓破塗之立效。

治湯火燒燙

無問新舊

青槐枝

一兩
剉碎

菜豆粉

一兩炒
黃色

輕粉

一錢

右同為細末，油調塗之，止痛滅毒。

治破傷風

手足顫掉不已者。

硃砂

另研

南星

姜製

獨活

去皮已上各二錢

人手足指甲

燒絕烟六錢

右為細末，分作三服，酒調服之，立效。

治破傷

無問新舊

石灰

右用一味，驗瘡口大小，儘乾塗之，不須封裹，神效。

治風狗咬破傷風

此病非為小可，及九死一生之病，可急用。

好班猫

七箇去翅足

右為細末，酒調服之，於小便盆內見衣沫似狗形者為効。如無再服七次，雖無狗形，亦不再發也。此方累試經驗，今附于此。

衣厚而發熱今相干也

若衣厚而發熱無再服也衣重無所須亦不再發也

衣重則末而謂服之欲小則益內其末末則益

效難說以

此藥非急小石又及一坐之藥可急用

氣血虧損如舟風

大凡石類一一如此

論炮製諸藥及單方主療瘡腫法

夫藥者治病之物。蓋流變在乎病。主治在乎藥。製用

在乎人。三者不可闕一也。凡用一味炮炙修製。及單

方主療。該引方書出處。不必隨方標寫。

硃砂

須研細水飛濾乾。若入膏中者。待熬膏成。稍凝冷

卽下急攪。勿令沉聚。大凡石類。一一如此。

雲母

卽須用鍊成熟粉。曾經婦人手拈者不効。聖惠方

治湯火瘡。羊髓和膏塗之。神良。千金方。如治金瘡及諸惡瘡。依上塗。傳大効。

礬石

卽白礬

凡用。須木炭火上。枯汁盡。主陰蝕惡瘡。去鼻中瘰肉。生含嚙津。治急喉閉。肘後方。治耳中卒腫痛。或有膿水者。以筒吹一字於耳中。以綿塞之。立効。又治諸毒虫惡獸咬傷。傳之則差。千金方。以醋煮湯。潰蝎螫立差。王氏博濟。治驢馬汁毒傷人瘡腫痛。和黃丹傳之。靈苑方。治傷折瘡腫。以沸湯投枯礬。

水銀

漬浴之。御藥院方。治陰汗。以枯礬投沸湯中。浴之。主疥癩。痂傷。白禿。入膏。令膏冷凝下之。攪令勻散。如星。勿令沉聚。

水銀粉

卽輕粉

主癩癧。殺疥癬虫。酒醯風。以羊髓和。如膏塗。及貼。廉瘡。一上可。

石灰

主疥癬骨疽金瘡。風化者。良。外臺秘要方。治風疹。

以漿水調熱掃之。隨手差。孫真人治疥。淋石灰水。溫洗之。千年者尤佳。

白麥飯石

卽麗理黃石

曾磨刀者佳。凡用須醃醋淬之。令屑落醋中者良。亦單用治發背。神良本草曰。大凡石類多主癰疽。

花藥石

主金瘡。止血。合硫黃木炭火炒良。或只刮花藥石末効。

黃芪

主癰疽久敗瘡。排膿止痛。兼五痔鼠瘦止渴。聖惠千金外臺秘要方。治發背腦疽托裏。止渴用黃芪六兩。甘草一兩。剉細。水煎溫服。無時。大効。

藁耳

卽蒼耳

千金翼方。丁腫用根莖葉。炒灰存性爲末。醋泔淀和如泥。塗之。一日三易之。三日腫消根。丁自拔出。亦治諸腫。掃之尋差。

麻黃

凡用根節煮三沸。掠去沫。曬乾剉。

黃芩

凡用去腐蘆棟細實者佳。梅師方治諸丹作末。水調掃之。亦治湯火瘡。

烏頭附子

凡用須炮裂去皮臍。

半夏

凡用湯洗七次去滑。

羊蹄根

主乾癬疥。頭禿取根。醬塗之。効。簡要濟衆方治癬。

瘡久不差。取新者絞汁和膩粉如膏塗之。千金聖

惠外臺等方皆治癬。和醋或白礬。或硫黃塗之。皆

愈。

狼毒

主癰疽惡瘡鼠瘻。聖惠方治癬瘡積年。搔之黃汁

出痒痛。以末傅之。或猪膏和塗差。

芭蕉根

主瘡腫搗根汁塗之。良百一方治發背根汁塗之。

土青木香

即馬兜鈴根

主頭風搔痒禿瘡

連翹

主寒熱鼠瘻癰疽惡瘡癭瘤同甘草服食

蒲公英

主乳癰煮汁飲之自消梅師方傳之亦消

滑石

本草不言療瘡腫本體較治諸瘡久不愈消熱毒腫及金瘡血不止湯火炒瘡用之尤良

白石英

主肺癰吐膿咳嗽及膈上風熱痰肺癭消渴陰瘻

補五臟

赤石脂

治瘡疽痔瘻瀉痢加芎末等分粥飲調服一錢重神効寒者加乾姜服

白石脂

治癰疽排膿生肌新生兒臍濕

雄黃

主寒熱鼠瘻惡瘡疽痔灸肌疥癬

硫黃

主女人陰蝕。疽痔惡瘡疥癬殺虫。

雌黃

主惡疔疥頭禿。下部惡瘡殺虫。

磁石

消癰腫。主鼠瘻頸核喉痛。

蜜陀僧

主金瘡止血。口瘡疔瘻面上癩點。

伏龍肝

糝主惡瘡。水調掃丹腫酒調封發背令內消。

礬石

主寒熱鼠瘻惡瘡蝕肉肌。

姜石

搗末雞子清調敷。丁腫丹瘤乳癰。

麤理黃石

堪作確碾者即磨刀麤石

齊馬嗣明治楊遵彥發背。取此石猛火煨赤。投醪醋中。因有屑落取為末。醋熬如糊。厚塗立愈。大凡石頭多主癰疽。

爐甘石

主愈瘡止血。治目赤瘡。

燈心

主破傷血出。每用貼破。上封之立差。

槐根皮

主痔及白皮煎湯薰浴良。入荆芥尤妙。

地骨皮

主疽瘡經年。以麤皮煎湯洗之。細沫白穰。別礮糝

之即差。

黃蘗

主瘡腫。神良。每用去麤皮塗蜜炙剉。諸方用作湯

漬陰瘡良。搗末蜜水調敷腫。

枳殼

凡用須麩炒去穰剉。枳實亦同。

厚朴

凡用須去麤皮。生姜塗製。炙微焦剉。

皂角

凡用須不腫者。去黑皮弦子。酥炙黃色剉。

木鱉子

凡用去殼。主惡瘡毒腫。孫用和方治痔。用仁三五枚。研如泥。以沸湯浸。用汗。先薰。但通手。即浴洗。日三度。

楸樹白皮

單用熬膏貼癰疽惡瘡疔瘻痔疾。用其白馬牙燒灰。治發背。初生用糝瘡頭。以膏封之。

兔頭

連皮骨臘。月細剉。瓶中封之。百日塗發腦疽發背。

惡瘡

出百一方

兔腹下白毛

治湯火瘡已破者。先用膠水掃之。後用兔白毛貼之。毛落平復。勝金方治痔。用坑月砂。即兔糞也。和乳香末。酒調三錢。溫服。日三服。即差。

蜜

凡鍊須煎令沸。掠去沫。外臺治陰頭生瘡。以蜜煎甘草末塗之。神効。肘後方單用塗湯火瘡。

牡礪

取地十書
凡用木炭灰炒通赤濕地上放經宿方用。經驗方
治瘰癧。用牡礪四兩。玄參三兩爲末。糊丸如梧桐
子大。酒服三五十九。食後服。藥盡患亦除。根集驗
方治一切癰腫。水調牡礪粉掃之。乾卽再掃卽消。
名拔毒散。初虞世治瘰癧。用和甘艸末茶調三錢
服之。神効大驗。
蛇退皮
諸方用治丁雜惡瘡。十年不較者。全用炒存性猪
膏和塗之。其驗神効。

蜘蛛

聖惠治瘰癧。不問新舊。或成癭者。熬乾爲末。酥和
如糊貼之。日三度大効。千金治發背瘡。亦治鼠瘻。
神良。譚氏治贅瘤。瘰癧。以網絲作線。際根繫之一
宿自落。

蟻蛭

聖惠治一切惡瘡。端午日收乾爲末者。油調傅之。
神効。子母秘錄治忽得惡瘡。未辨識者。取新者絞
汁傅其上。大効。古今諸方治下瘡。欲死者。取蟻蛭

東垣十書 卷四
心腹下度取之。稍白者是。以針刺丁瘡當心。及四
畔以心塗貼之。百苦立已。經宿其丁自拔出。大忌
食羊肉多不効。

陳橘皮

凡用溫水浸去白青。橘皮亦然。

枇杷葉

主嘔逆下氣。凡用去毛刺。甘草湯洗三葉重一兩
者。

桃杏仁

凡用。須湯浸去皮尖雙仁炒剉或研。

無心草

凡用去蘆苗煎洗甲瘰疽神効。

防風

凡用去叉蘆。

藜蘆

凡用去苗

犀角

凡用生不會見火者。卽鎊錯爲末。

茯苓

凡用去麤皮。白者佳。

芍藥

亦用白者佳。

牽牛子

凡用黑成熟者微炒。假如一斤。取頭末四兩。

外科精義卷之四 終



丙申八月吉日

保七年

高藤自亦

